



ATASSUT  
Steen Lyngé

UPA15/72-1  
18.03.2015.

**Uunga siunnersuut: Tarnimikkut nappaatilinnik kiffaanngissusiaaneq allatigullu  
pinngitsaaliissummik iliuseqarneq pillugu Inatsisartut Inatsisaata allanngortinnera pillugu  
Inatsisartut inatsisaat nr. xx, xx. xxx 2015-imeersoq  
(Pinngitsaaliissummik katsorsarneqarnermi eqqarsarfissinneqarneq, Napparsimasunut  
siunnersortinik atorfinitsitsisarnermi aalajangiinissamut pisinnaatitsineq,  
Maalaaruteqartarneq aamma eqqartuussivilersuussisinnaaneq)  
(Peqqissutsimut Nunanillu Avannarlernik Suleqateqarnermut Naalakkersuisoq)**

Allatut iliortoqarsinnaajunnaarnermi tarnimikkut nappaatillit kiffaanngissusiiarneqartariaqalerfianni inatsisitigut ersarilluinnartumik malittarisassaqaarnissaa isumannaagassaavoq pingaaruteqarluinnartoq.

Taamaammat matumani tarnimikkut nappaatillit kiffaanngissusiiarneqarsimasut inatsisitigut illersugaanerisa suli pitsaanerulersinneqarnissaanik sulissutiginnittoqarmat ATASSUT-mit iluarisimaarinnippugut.

Kiffaanngissusiaasoqartariaqarnermi nalunaarsueqqissaartoqartarnissaa aammalu kiffaanngissusiiarneqarsimasut sullinneqarnermini maalaarsinnaatitaanerit minnerunngitsumillu kiffaanngissusiiarneqarsimaneq pillugu eqqartuussisutigut ingerlatsisoqassatillugu Kalaallit Nunatsinni Eqqartuussivimmi eqqartuussisumit suli at ingerlanneqartarnissaat matumani qulakkeerniarneqarpoq.

Matumani inatsitigut erseqqissaateqarnikkut aammalu allannguinikkut sullinneqartut sullissisuilu isumannaannerpaamik inissinniarneqarneri ATASSUT-mit pissusissamisoorluinnarsoraarput, suli arli peqqissaarullugu nalilersuilluarluni ingerlanneqartariaqartoq aamma isumaqarpugut, taamaammat tunngaviummik siunnersuummut matumunnga akuersaarualarluta inassutigissavarput



## ATASSUT INATSIARTUNI

---

siunnersuut aappassaaneerneqartinnagu Inatsisartut Peqqissutsimut Ataatsimiititaliaanut  
suliassanngortinneqassasoq.